

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIX No. 1
Enero 7, 2008
www.philippinerevolution.net


Editorial

Mag-ani sang dugang pa nga tanan-nga-bahin nga mga kadalag-an subong nga tuig

Subong nga 2008, ginalantaw sang Partido ang isa ka tuig sang dalagku nga tanan-nga bahin nga rebolusyonaryong pagsulong. Ang bulawanon nga kadalag-an kag manggaranon nga inagihan nga naangkon sadtong nagligad nga tuig lunsay sa ligal nga paghimakas kag armado nga rebolusyon puhunan para sa labi pa nga pag-abante sang rebolusyong Pilipino.

Sa una nga tuig sang brutal nga kampanya nga Oplan Bantay Laya (OBL) 2, napilitan ang Armed Forces of the Philippines (AFP) nga akuon nga napaslawan sila nga agumon ang mga gintalana nila nga target nga “dugmukon” ang pila ka prenteng gerilya. Antes ini, nabuyagyag sa publiko ang internal nga pagtasar sang AFP bahin sa kapaslawan sang lima ka tuig nga OBL 1 nga amo ang ginsundan sang subong nga OBL 2. Lunsay kabutigan ang ginapabugal sang AFP nga nadugmok nila ang 13 prenteng gerilya sang BHB sadtong 2007 kag madugmok nila ang 17 pa nga prenteng gerilya sa una nga kwarto sang 2008. Mas dalagku pa nga kapaslawan ang atubangon sang AFP sa pagdabdab sang kalayo sang inaway banwa sa bug-os nga pungsod.

Halin Luzon tubtub Mindanao, ginpaslaw sang mga yunit sang BHB ang mga dibisyon, brigada kag batalyon-kadaku nga kampanya sang pagtapna nga ginklunsar sang AFP agud dugmukon ang ginatawag nila nga mga “balwarte” sang armado nga rebolusyonaryong kahublagan. Sa mga prente nga dinumog sang mga pwersa sang AFP, indi lamang nga nakapreserba sang kusog ang mga yunit sang BHB, padayon pa nga nagapadalum ini sang pag-ugat sa masa, nakamentenar sang inisyatiba militar kag napadaug ang madamu nga kontra-atake sa kaaway. Kadungan man, nakapalapad pa kag nakalunsar ang BHB sang madamu nga taktikal nga opensiba sa mga lugar kon sa diin relatibo nga manipis ang latag sang kaaway.



Mga tampok sa isyu nga ini...

Mga kadalag-an sang rebolusyon sa Panay
PAHINA 3

Minahan sa Cotabato, ginsulutan sang BHB
PAHINA 3

Pabrika sa pusod sang kagulangan
PAHINA 4

Isa sa mga tampok nga inagihan ang pag-atubang kag pagpas-law sang Pulang Diwata Command sang BHB sa kampanyang militar sang 4th Infantry Division sang Philippine Army sa Northeastern Mindanao. Napaslawan ang sustenido nga operasyong militar sang AFP nga dugmukon ang duha ka prenteng gerilya nga ginakabig sini nga prayoridad nga atakehon. Nakalunsar ang mga Pulang hangaway sa mga prenteng gerilya nga ini sang 42 taktikal nga opensiba kag nakaagaw sang 25 armas. Masobra 103 tropa sang AFP ang namatay kag 50 ang napilasan.

Sa Panay, naglunsar ang AFP sang mga operasyon nga brigada kag batalyon-kadaku agud lutuson ang rebolusyonaryong kahublagan didto. Pero sa katapusan, ang solo mapabugal sang AFP amo ang mga retrato sang mga kampo sang BHB nga madugay na ginbayaan sang mga gerilya.

Ang pagdagsa sang mga pwersa sang AFP sa isla naghatag sa mga Pulang hangaway didto sang madamu nga kahigayunan nga makalunsar sang mga operasyong isnayp kag pagpang-ambus. Madamu sa kaaway ang namatay, samtang wa-

la bisan isa nga napatay sa Pulang hangaway. Kabaliskaran sang kabutigan sang AFP nga lutos na ang rebolusyonaryong kahublagan sa isla, ginpakita pa sang Panay ang signipikante nga pagdaku kag kapagsik sa pagpangapin kag pagbato sang katapuan sang Partido, hangaway sang banwa kag rebolusyonaryong kahublagan sa atubang sang masingki nga atake sang kaaway (*lantawon sa kaangot nga artikulo*).


Sa 22 mayor nga taktikal nga opensiba sang BHB batuk sa AFP sa Ilocos-Cordillera, kag bisan sa tatlo ka dependsiba kon sa diin naagaw sang mga gerilya ang inisyatiba, daku ang napukan sa mga pwersa sang kaaway. Namatay ang 60 tropa kag 38 ang napilasan sa bahin sang AFP. Sa mga inaway nga ini, apat nga upisyal kag tinawo sang AFP ang nabihag sang BHB.

Pila lamang ang mga ini sa madinalag-on nga taktikal nga opensiba sang BHB sa nagkalin-lain nga bahin sang pungsod sadtong 2007. Madamu pa nga opensiba sa nagkalain-lain nga rehiyon ang wala pa nareport sa *Ang Bayan*. Sa pila pa lamang nga nareport na sa *Ang Bayan*, indi magnubo sa 204 nga elemento sang kaaway ang na-

matay kag masobra 149 ang napilasan. Siyam nga mga suldado kag elemento sang CAGFU ang nabihag sa mga engkwentro kag sang ulihi ginhilway sa makatawo nga basehan. Natigayon man ang pagsilut sa mga elemento sang *death squad* sang AFP nga imbolbado sa ekstra-hudisyal nga mga pagpamatay kag pagkuot. Ginhatagan sila sang silut makaligad ang maid-id nga imbestigasyon sandig sa mga rebolusyonaryo nga proseso nga hudisyal.

Nakumpiska sang BHB ang indi magnubo sa 327 armas nga kadam-an may mabaskog nga riple, linibo nga bala kag nanari-saring gamit-militar kag kagamitan pangkomunikasyon. Ang mga armas kag gamit nga ini bastante para armasang ang tatlo ka kumpanya sang mga bag-ong hangaway. Tampok sa mga opensiba nga ini ang reyde sa Davao Penal Colony kon sa diin nakaagaw ang mga Pulang hangaway sang 108 armas nga wala sang lupok.

Sandig sa panawagan sang Komite Sentral sang Partido, nakasentro subong ang bilog nga rebolusyonaryong kahublagan sa tanannga-bahin nga pag-areglo sang mga rebolusyonaryong hilikuton para dugangan pa ang pagsulong sa rebolusyonaryong paghimakas sang pumuluyo subong nga tuig kag padasigon ang pagsulod sa natunga nga bahin sang halintang sang estratehikong dependsiba sang inaway banwa. Samtang lubusan nga ginabatuan sang tanan nga rebolusyonaryong pwersa ang pagpangtapna kag pagpaantos sang rehimeng US-Arroyo sa pumuluyo, nagahulag sila nga ginalantaw ang estratehiko nga katuyuan nga agawon ang gahum pangpulitika halin sa mga reaksyunaryong sahi, tapuson ang bilog nga malakolonyal nga pagginahum sa pungsod, him-uson ang pungsodnon-demokratikong halintang kag magpadulong sa mga masunod nga halintang sang rebolusyong Pilipino. **AB**

 <p>Tuig XXXIX No. 1 Enero 7, 2008</p> <p>Ang <i>Ang Bayan</i> ay inilalabas sa wikang Pilipino, Bisaya, Iloko, Hiligaynon, Waray at Ingles.</p> <p>Maaari itong i-download mula sa Philippine Revolution Web Central na matatagpuan sa:</p> <p>www.philippinerevolution.org</p> <p>Tumatanggap ang <i>Ang Bayan</i> ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: angbayan@yahoo.com</p>	
<p>Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas</p>	
<h2>Kaundan</h2>	
Editoryal	
Mag-ani sg mga kadalag-an subong nga tuig	1
Mga kadalag-an sa Panay	3
Madinalag-on nga TO	
Minahan, ginsilutan sg BHB	3
Detatsment sang pulis, ginsalakay	4
Pabrika sa pusod sg kagulangan	4
Pagpanghalit sg pasistang estado	
Paltik nga SOMO	5
Palparan, dalahig sa pagkuot	6
Aktibista, kapot sg militar	6
Pagpanghalit sa Manila North Harbor	7
Tawag sg pagpanghimulos	8
Balita	9

Mga kadalag-an sang rebolusyon sa Panay

Nagdaku ang rebolusyunaryo nga pwersa sa Panay, nagbaskog ang ikasarang kag naglapad ang impluwensya sa pihak sang pagpanghalit sang Oplan Bantay Laya 2 sadtong 2007.

Sa isa ka pahayag sining ika-39 nga anibersaryo sang Partido sadtong Disyembre 26, ginsiling sang Komite Pangrehiyon sang PKP sa isla nga linibo nga Panayanon ang nagpartisipar sa armado nga paghima-kas kag nagpasakup sa Bag-ong Hangaway sang Banwa o sa mga rebolusyunaryo nga organisasyong masa sa katuyuan nga tapuson ang rehimeng US-Arroyo.

Madamo ang nakakita nga kakinahanglanon nga mag-organisa para kolektibo nila nga masolbar ang ila mga problema paagi sa mga organo sang gahum pangpulitika. Nagtaas sang 47% ang katapuan sang mga organisasyong masa sa kaumhan. Nagdako ang BHB, upod na ang milisya sang pumuluyo nga nag-angkon sang 85% nga pagdako. Nagdako man sang 20% ang katapuan sang Partido sining 2007 sa pihak sang mapintas nga paglagas sang desperado nga reaksyunaryong rehimen. Ini ang pinakadako nga tantos sang pagdako sa isla halin sang ginlunsar ang Ikaduha nga Dungganon nga Kahublagan Pagpanadlong sadtong 1994 sa Panay.

Naangkon sang rebolusyunaryong kahublagan sa isla ang amo nga pag-uswag sa pihak sang paglunsar sang 301st IBde sang mas o menos napulo ka kusog-brigada kag mga 100 ka kusog-batalyon kag kusog-kumpanya nga operasyon sadtong 2007. Naguyang ang reaksyunaryong gubyrno sang minilyon ka piso kag labi nga ginperwisyo ang daan na nga imol nga pumuluyo para lamang mailunsar ang isa ka gera nga wala sang iban nga katuyuan kundi tukuran ang rehimeng US-Arroyo.

Bangud sa nalab-ot na sini ang armado kag pangpulitika nga kusog, masarangan na sang Partido Komunista sa Panay nga magpatuman sang mga rebolusyunaryo nga polisiya lunsay sa sulod kag guwa sang sakop nga mga sonang gerilya kag magpatuman sang rebolusyunaryo nga hustisya sa malapad nga bahin sang isla.

Ginalauman ang dugang pa nga pagbaskog sang amo nga impluwensya samtang nagapataas ang lebel sang kamuklatan kag paghiliusa sang pumuluyo nga batuan ang sustenido nga armadong atake sang rehimeng US-Arroyo. Siling sang PKP-Panay, mismo ang mapanglupig nga polisiya ni Gloria Arroyo ang padayon nga nagatulod sa pumuluyo nga hakson ang armado nga rebolusyon. **AB**



Dumuluong nga minahan, ginsilutan sang BHB

Ginsalakay sang isa ka platun sang Bag-ong Hangaway sang Banwa (BHB) sadtong Enero 1 ang base nga kampo sang Sagittarius Mines, Inc. (SMI) sa Barangay Tablu, Tampakan, South Cotabato. Dinisarmahan ang mga gwardya kag ginguba ang mga kagamitan sini sa pagmina. Sa paglunsar sang atake, katuyuan sang BHB nga silutan ang higante nga kumpanyang Swiss bangud sa pagpang-agaw sang duta, pagpandambong kag pagguba sang kapalibutan, suno kay Gregorio "Ka Roger" Rosal, tagapamaba sang Partido Komunista sang Pilipinas.

Ginpaathag sang tagapamaba sang PKP nga ginsanto sa bakasyon ang reyd agud malikakwan nga maumid ang mga trabahador kag empleyado sini. Wala sang nasakit sa mga sibilyan ukon empleyado sang SMI. Isa ka *shotgun*, isa ka radyo pangkomunikasyon kag pila pa nga kagamitan ang nakumpiska sang BHB.

Ang ginlunsar nga aksyong militar amo ang isa ka "signipikante nga tikang sa pagtinguha nga tapuson ang mapanguba kag mapangdambong nga mga operasyon sa pagmina sang kumpanya; pangapinan ang duta sang katigulangan sang tribo nga B'laan; protektahan ang embayronmental nga balanse sang Liguasan Marsh kag suplay sang tubig sa mga lugar sang South Cotabato, North Cotabato, Sultan Kudarat kag General Santos City; kag batuan ang kampanya sang rehimeng Arroyo nga ilibod ang dunang-manggad sang pungsod sa dala-ku nga dumuluong nga kapitalista."

Madumduman nga halin pa sadtong dekada 1990 aktibo na nga ginapamatukan sang pumuluyo ang pagmina sang saway kag bulawan sang Western Mining Corporation, nga ginbayluhan ang ngalan sang Tampakan Mineral Resources Corporation. Sadtong 2002, ginpadayon sang SMI ang operasyon sang WMC makaligad maguntat ini bunga sang mabaskog nga pagpamatuk sang pumuluyo. Sakup sang pagmina ang mga lindero nga kabukiran sang Tampakan sa South Cotabato, Columbio sa Sultan Kudarat kag Kiblawan sa Davao del Norte.

Ginpalawig subong sang SMI ang ila *pre-feasibility study*. Nagalaum ang kumpanya nga malaparan ini nga makamina sang saway kag bulawan sa 2012. Ginabanta nga may 11.6 milyon nga toneladas sang saway kag 14.6 milyong onsas sang bulawan diri. Ang pagmina nga ginahimo paagi sa *open pit mining* pagasuguran sa 2010 sa matalon nga mga baryo sang Bong Mal, Tablu, Danlag kag Folu Bato sa Tampakan. "Ang mga operasyon nga *open pit* isa sa mga pamaagi nga pinakadestruso sa kapalibutan. Ginasamad sini ang bug-os nga kagulangan

kag erya sang *watershed*,” siling ni Rosal.

Ang reyd sa SMI nagasanto sa pangkabilugan nga direktiba sang PKP nga balabagan kag pungan ang mga operasyon sang dalagku nga dumuluong nga kumpanya sa pagmina nga ginapasulod sang rehimeng Arroyo sa pungsod agud hugakumon ang dunang-manggad sang Pilipinas. “Ginapasulod sang rehimeng Arroyo ang dalagku nga dumuluong nga kumpanya sa pagmina para hukhukon ang binilyon nga dolyar nga balor sang dunang-manggad sang Pilipinas sa labi nga kahalitan sang pangabuhian sang pumuluyo kag kapalibutan.” **AB**

Detatsment sang pulis, ginsalakay sang BHB

Madinalag-on nga ginsalakay sang Bag-ong Hangaway sang Banwa (BHB) ang istasyon sang pulis kag munisipyo sang Hinabangan, Samar sadtong Disyembre 23. Isa ka M16, isa M14 kag tatlo ka malip-ot nga pusil ang naagaw sang mga Pulang hangaway, suno sa mga inisyal nga report. Isa ka elemento sang CAFGU ang namatay sa bayluhanay sang lupok. Wala sang kaswalti sa bahin sang BHB.

Ginhimutig sang reyd nga ini ang pagpahambog sang AFP nga malutos na sini ang BHB sa Eastern Visayas.

Gindayaw ni Gregorio “Ka Roger” Rosal, tagapamaba sang PKP, ang pagsalakay sang BHB sa munisipyo sang Hinabangan kag kwartel sang pulisya. Siling niya, pagpakita ini sang “determinasyon kag ikasarang” sang armadong rebolusyonaryong hublag nga lutuson ang kontra-rebolusyonaryong gera sang terorismo sang rehimeng US-Arroyo. **AB**

Pabrika sa pusod sang kagulangan

Sa tuyo nga pasingkion ang lebel sang inaway banwa, padayon nga ginapataas sang Bag-ong Hangaway sang Banwa (BHB) ang ikasang militar sini, kadungan sang pagpalig-on sang pangpulitika nga paghiliusa sang masa kag hangaway. Kabahin sang pagtinguha nga ini ang pabaskugon ang arsenal panggera sang BHB gamit ang tanan nga posible nga armas pangbato sa kaaway.

Kaangot sini, isa ka “pabrika” ang gintukod sang BHB sadtong 2002 sa rehiyon sang Ilocos-Cordillera para sa produksyon sang mga kagamitan panggera. Sa pusod sang kagulangan, isa ka yunit sang BHB ang bilog nga adlaw nga nagatrabaho agud maghimo sang mga kagamitan panggera pareho sang mga granada kag magkumpunir sang mga armas sang hangaway sang banwa.

Isa ka pungsodnon nga minorya halin sa imol nga saray sang sahing mangunguma si Ka Yani. Maayo siya nga karpintero, kilala nga mapisan, kag eksperensyado sa hilikuton militar. Siya ang nagahimo sang *casing* (kaha) sang mga granada.

Si Piolo, anay manugbakal sang “bote-salsalon” kag nagalibod sang *fishball* sa karsada, ang nagatiltig sang *lever* sang granada agud indi ini magtuktukon.

Isahanon nga babaye sa pabrika si Ka Lea. Anay *domestic helper* siya sa iban nga pungsod kag subong isa ka Pulang hangaway nga nagahanas sa hilikuton sa *shop*. Lahug-lahog nga ginatawag siya nga “aprentis”.


Anay mamumugon man sa Saudi si Ka Iking. Siya ang panday nga nagahimo sang mga piyesa nga metal paagi sang pagmaso sang nagabaga nga salsalon.

Matawhay maghulag kag pinakamahipos si Ka Anino. Masobra 20 tuig na

siya nga hangaway. Isa man siya nga pungsodnon nga minorya halin sa nahanunga nga sahi. Siya ang nagatungod sang pinaka-delikado nga bahin sang produksyon sang mga eksplosibo— ang paghimo sang *fuse* (pabilo).

Marikot ang proseso sang pagtuon nga gin-agan sang yunit para malab-ot ang subong nga lebel sang ila ikasarang— isa ka proseso nga ginakinaiyahan sang mapagsik nga paghimo, pagtilaw, matutom nga pagtuon, kag liwat nga paghimo. Nagasalig sila sa mga syentipiko nga pamaagi kag sa hilaw nga materyales nga makuha sa lokal nga balaligyaan.

Sa pihak sang mga ginaatubang nga problema, padayon nga napauswag sang grupo ang ila mga nahimo. Ang mga granada nga produkto sang grupo nagadugay na sang pila ka tuig antes mag-umido, halin sa daan nga anum ka bulan. Eksperto man sila sa pagkumpunir sang mga pusil.



Paltik nga SOMO

Nabuyagyag ang pagkapalso sang deklarado nga *suspension of offensive military operations* (SOMO) sang rehimeng Arroyo halin Disyembre 16 tuhtub Enero 6 sang mabalita ang lapnagon nga paglapas sang AFP sa kaugalingon nga SOMO. Isa ka mangunguma ang ginkuot sadtong bisperas sang Pas-kua sa Cagayan kag apat nga mangunguma ang iligal nga gin-aresto, ginpaidalum sa interrogasyon kag gindetiner sa Catanduanes. Sa mga lugar nga ini wala untat ang mga operasyong militar sa pihak sang SOMO sang gubyernong Arroyo.

Disyembre 24. Ginkuot sang mga elemento sang 21st IB si Marvin "Piltok" Mendez, 25, sa Barangay Virginia, Piat, Cagayan. Si Mendez, isa ka mangunguma nga tumandok sang Barangay Villagrancia, Maddela, Quirino, nagkadto sa Piat para magbistia sa iya mga abyan. Suno sa mga saksi, nakita nila nga gintayaan sang pusil sang mga suldado si Mendez sa Barangay Lipatan, Sto. Nino, Cagayan. Ulihi siya nga nakita sa kampo sang 21st IB sa Barangay Virginia sadtong Disyembre 25. Wala gihapon siya ginatuhaw tuhtub subong. Ang nagkuot kay Mendez kabahin sa mga paglapas sang 5th ID sa deklarado nga untat-linupok sang gubyernong Arroyo sining Kapaskwahan. Wala untat nga naga-operasyon sa nagkalain-lain nga banwa sang Cagayan kag Isabela ang mga yunit sa idalum sang 5th ID halin pa sadtong una nga simana sang Disyembre.

Disyembre 18. Masobra 1,800 pamilya halin sa mga barangay sang Bohe Suyak, Sungkayot kag Tongbato sa Tipo-tipo, Basilan ang pwersahan nga nagbakwit bangud sa mabaskog nga operasyong militar batuk sa mga gerilya sang MILF. Duha ka suldado kag anum ka sibilyan ang namatay sa operasyon nga ginlunsar sang mga elemento sang Philippine Marines nga ginabatuan sang MILF. Naggamit sang kanyon ang nagsalakay nga Marines kag bangud diri wala nakahiwat ang mga residente sang ila tuigan nga selebrasyon sang Eid'd Agha ukon pista sang pagsakripisyo.

Disyembre 14-16. Arbitraryo nga gin-aresto sadtong Disyembre 16 sang mga elemento sang 65th IB sa Barangay Iyao, Caramoran, Catanduanes sanday Elvis Santillano, Juanito Lucero Jr. kag Bonifacio Solsona, lunsay mga taga-Barangay Iyao. Ginpaidalum sila sa interrogasyon kag iligal nga gindetiner sang apat ka adlaw. Ginpagwa pa sang militar sa midya nga sila

Ang mga nahimo nila nga eksplosibo para sa gamit sang BHB amo ang ginatawag nga CDX ukon *command-detonated explosives* nga kontrolado ang pagpalupok para masentro sa mga lehitimo nga target kag malikawan nga mabutang sa peligro ang mga sibilyan.

Wala sila sang kataka sa pagpauswag sang disenyong kag pagpino sa magagamay kag delikado nga bahin sang mga kagamitan.

Buhi katama ang kolektibo nga pagbayluhanay, pagtuon kag pagpauswag sang kinaalam kag praktika sa ila pabrika. Adlaw-adlaw, matapos ang produksyon, nagahimo sila sang mga pulong pagtasar kag paglubad antes dululungan nga magkadto sa kusina pag-abot sang sirom agud magtipon naman sa pan-yapon.

"Nagakuha kita halin sa kaugalingon nga ekspersensya kag sa mga nauna nga mga kaupod nga naghimo sang mga simple nga kagamitan pangdependensa," hambal ni Ka Anino. Ginakinaiyahan ang yunit sang mataas nga interes sa pagtukib kag pagtuon. Madamu sila nga natun-an nga gamit-militar, lakip ang mga nagpaltos nga bomba nga himo sang US nga ginhulog sang AFP.

Bangud duna nga delikado ang ila linya sang hilikuton, lubos nga paghalong sang grupo sa trabaho. May ara nga pagsulundan para sa kaluwasan kag hugot nga nagasunod ang tanan. May mga pamaagi agud makalikaw sa aksidente bisan sa delikado nga hilikuton. "SAFETY FIRST" ang mga letra nga nagapahanumdom sa kada isa nga maghalong sang lubos. "Mas importante ang tawo sangsa gamit," siling sang grupo.

Hakos sang grupo ang papel sang eksplosibo sa kabilugan nga pagsulong sang inaway banwa.

Daku nga bulig ang hilikuton eksplosibo sa mga kadalag-an sang mga taktikal nga opensiba. "Syempre, pangunahon ang mga sangkap nga pareho sang maayo nga pagpaniktik, pagplano, paghanas, kag iban pa." "Pero may mga eksperensya nga nangin kritikal ang papel sang eksplosibo sa pagpadaug sang madamu nga partikular nga aksyon nga ginlunsar sang yunit sang BHB batuk sa mas madamu kag mas daku nga pwersa sang AFP."

Pat-ud, mangin daku nga bahin sang magagmay kag di ordinaryo nga "pabrika" ini sa madamu nga madinalag-on nga opensiba nga ginahimo sang Bag-ong Hangaway sang Banwa, mga opensiba nga magapadasig sa pagpukan sang garuk nga reaksyunaryo kag papet nga rehimeng Arroyo. Mangin kabahin sang kasaysayan ang madamu nga pareho sini nga "pabrika" nga ginatago sa madabong nga kagulangan kag naghimakas nga pumuluyo.

AB



mga nagsurender nga hangaway sang BHB. Tuhtub subong kapot gi-hapon sang militar si Lucero.

Arbitraryo man nga inaresto sadtong adlaw nga ina sa Bara-ngay Sabloyon, Caramoran si JR Velasco.

Sadto naman nga Disyembre 15 hungod nga ginpalukpan sang mga elemento sang 65th IB ang mga balay sa Barangay Sabloyon. Naigo ang balay ni Karen Pia, nga may tatlo ka tuig nga anak. Agud makumpleto ang pakuno-kuno nga nakaengkentro nila ang BHB, nagpalupok man ang mga suldado nga nakapwesto sa pihak sini. Nagpalupok pa ang mga ini sang duha ka bomba malapit sa eskwelahan. Iligal naman nga ginaresto sa Bara-ngay Iyao sadtong Disyembre 14 si Edmundo Santillano. Gin-interogar siya kag hinaras kag pilit ginpasu-render ang iya *shotgun* nga gamit niya sa pagpangayam.

Disyembre 12-16. Ginkuot sang mga suldado, pito ka beses nga ginbuno kag gintapok sa pag-sigahum nga patay na si Renante Romagus, isa ka mangunguma nga taga-Monkayo, Compostela Valley. Pakadto si Romagus sa iya uma agud mag-uling kag magtuba sang saging para gamiton tani sa kaadlawan sang iya anak masunod nga adlaw. Pero sang makalab-ot siya sa Purok 3, Barangay Casoon, ginkuot si Romagus sang mga naga-operasyon nga suldado sang 28th IB. Gilayon siya nga ginbuta-buthan, ginbusalan kag gingapos. Halin Disyembre 13 tuhtub Disyembre 16 gintortyur kag ginpaidalum sa interogasyon si Romagus sa detatsment sang militar sa Barangay Rizal sa suspetsa nga siya myembro sang Bag-ong Hangaway sang Banwa. Sadtong gab-i sang Disyembre 16 gindala si Romagus sang militar sa Barangay Hagimitan kag didto siya gintapok. AB

Palparan, dalahig sa pagkuot—Court of Appeals

Imbolbado si Maj. Gen. Jovito Palparan kag pila ka tinawo militar sa pagkuot sa mag-utod nga Reynaldo kag Raymond Manalo sadtong 2006, suno sa 2nd Division sang Court of Appeals (CA). Ang 30-pahina nga desisyon ginpagwa sadtong ulihi nga simana sang Disyembre kaangot sa paghatag sang *writ of amparo* sa mag-utod.

Si General Palparan amo ang anay hepe sang 7th Infantry Division nga nakabase sa Central Luzon. Suno sa CA, napamatud-an nga ang mag-utod ginkuot, gintortyur kag gindetiner sang mga elemento sang 7th Infantry Division kag ini may lubos nga pagkahibalo ni Palparan. Ginsaysay sang mag-utod sa korte nga mismo si Palparan ang nagkadto sa ila presohan para hambalan sila nga indi dapat magkiha sa mga awtoridad ang ila mga himata.

Si M/Sgt. Donald Caigas, isa sa mga salaligan nga tinawo ni Palparan nga dalahig man sa pagkuot, ginaresto sining ulihi sa iban nga kaso pero siya nakapyansa kag gilayon nga ginbuhian. Bisan mada-mu nga kaso nga napasaka batuk sa iya, ginpadala siya sang rehi-meng Arroyo sa Haiti bilang myembro sang United Nations Stabiliza-tion Mission didto.

Nanawagan ang Karapatan-Gitnang Luzon nga dapat arestuhon kag kasuhan si Palparan sa iya pagpamuno kag partisipasyon sa se-rye sang mga pagkuot, *enforced disappearances* kag ekstrahudisyal nga pagpamatay sa mga aktibista. AB

Nadula nga mga aktibista, kapot sang militar

Temporaryo nga gin-atubang sang 62nd IB sa midya sadtong Disyembre 26 sanday Manuel Pajarito kag Juliet Fernandez, mag-asawa nga aktibista sang PAMALAKAYA nga ginkuot sang militar sadtong Mayo 11, 2007 sa isa ka tsekpoynt sa Pinabacdao, Samar. Pito ka bulan sila nga gintago sang militar kag gindingutan sang kinamatarung nga mag-angot sa ila mga himata kag abugado. Si Fernandez, nga nagabusong sadtong kuotan siya, nagbata sa kulungan sadtong Nobyembre 21.

Gin-atubang ang duha sa midya para kuno ihimutig nga sila gin-pintasan sang militar. Pero duda ang ila mga kadugo, abyan kag or-ganisasyon nga hilway ang ginhimo nila nga pagpahayag.

Suno sa Karapatan, masami nga kundisyon sa pagtuhaw sa mga ginkuot ang amo nga pagpahayag para pagwaon nga “kagastuhan” nila nga ihunong sang militar. Kontrolado sang militar ang kada hu-lag kag hambal nanday Pajarito kag Fernandez bangud ang pag-atu-bang sa ila sa midya ginhimo sa isa ka *safehouse* sang AFP.

Padayon nga ginapangin-wala sang militar kon diin ang duha. Ba-liskad sa ila mga kinamatarung, wala sila ginatugutan nga mag-an-got sa ila pamilya kag abugado.

Pagakasuhan sang PAMALAYA ang mga elemento sang 62nd IB ka-angot sang iligal nga pag-aresto kag pagdetenir ukon pagkuot sa du-ha ka biktima. AB

Pagpanghalit sa Manila North Harbor

Sadtong Pebrero 2006, inaprubahan sang rehimeng Arroyo sa idalum sang Port Modernization Program ang pribatisasyon sang mga pantalan sa Manila North Harbor. Pangunahon nga nagalaway sa pribatisasyon nga ini amo ang pila ka dalagku nga burges kumprador nga lun-say mga kroni ni Gloria Arroyo

Ang Manila North Harbor nga ara sa Tondo, Maynila isa sa 11 pangunahon nga dulungkaan sa Pilipinas. Ginabug-os ini sang Pier 2, 4, 6, 8, 10, 12, 14, 16 kag 18 kag sang Veterans Shipyard. Sa Manila North Harbor nagadungka ang halos tanan nga mga lokal nga barko nga komersyal kag pangpasahero. May masobra 500 pantalan sa pungsod kag 240 sini ang kontrolado sang mga pribado nga indibidwal kag korporasyon. Ang tanan nga mga dulungkaan ginadumalahan sang Philippine Port Authority (PPA).

Interesado katama sa pribatisasyon sang North Harbor ang North Harbor Consortium, isa ka grupo sang mga kumpanya nga ginapa-

nag-iyahan sang mga kroni ni Arroyo. Ginalakipan ini sang Asian Terminals, Inc. ni Enrique Aboitiz, International Container Terminal Services, Inc. ni Enrique Razon kag Harbour Center Port Terminals Inc. ni Reghis Romero. Karibal naman nila ang Pier 8 Arrastre & Stevedoring Services kag Prudential Customs Brokerage.

Todo-buhos sang rekursu si Arroyo agud iduso ang pribatisasyon sang Manila North Harbor. Sadtong Septyembre 2006, nagpabutyag ang Metropolitan Manila Development Authority (MMDA) na idemolis sini ang tanan nga imol nga komunidad halin sa Manila Hotel tubtub Radial 10 sa Tondo kag tubtub Navotas. Wala pa gani matapos ang

bidding ginpatuman na ang demolisyon sa iban nga parte sang palibot sang dulungkaan. Katuyuan sang demolisyon nga hawanan ang malapad nga kadutaan para magamit sang burgesya kumprador nga magakontrol sa North Harbor. Nagalab-ot sa 48.5 ektaryas ang sakup sang kabilugan nga proyekto.

Okupado sa pagpalayas sa mga tawo ang Department of Social Welfare and Development (DSWD). Sa Mabuhay Road 10, halimbawa, ginpapirma sang DSWD ang mga residente sang kasulatan nga nagadumili sa ila nga liwat magpatindog sang mga balay kon dinemolis sila kag nagadumili sa ila nga magpasaka sang kaso batuk sa DSWD. Magabaton kuno ang mga residente sang ayuda nga P21,000.

Mas malaot pa, halin Disyembre 2006 nagtalana na ang rehimen sang mga yunit sang militar sa mga apektado nga komunidad sa Tondo sa katuyuan nga tapnaon ang pagpamatuk sang pumuluyo sa mapangguba nga proyekto. Madamu na nga report sa mga paglapas sa tawhanong-kinamatarung sa lugar. Isa ka halimbawa ang iligal nga pag-aresto kag pagtortur sang mga elemento sang Philippine Army-National Capital Regional Command sa 18 residente sang Parola Compound sadtong Septyembre 5. Napulo'g pito sa mga biktima mga menor de edad.

Sa pribatisasyon sang North Harbor, madulaan sang pangabuhian kag puluy-an ang maabot sa 141,500 pamilya ukon 849,000 indibidwal. Ara sa palibot sang North Harbor ang mga komunidad sang Parola, Isla putting Bato/Breakwater, Collector's Ro-



ad, Radial 10 kag Barangay 105 nga nagabug-os sang mga komunidad sang Aroma, Gloriakrap kag Happyland.

Ang pagtrabaho sa North Harbor ang pangunahon nga ginakabuhi sang mayorya nga pumuluyo sang Tondo. Nagalab-ot sa 5,000 residente sang Tondo mga trabahador kag empleyado sa mga pantalan sa lugar. Kabahin diri ang masobra 1,000 mamumugon sang United Dockhandler's Inc.; 350 mamumugon sang Pier 8 Arrastre and Stevedoring Services, Inc.; 400 mamumugon sang North Star Development Corporation; 250 mamumugon sang Isla puting Bato Arrastre and Stevedoring Corporation; kag 250 mamumugon sang Veterans Shipyard. May ara man nga 1,500 trabahador sa 200 kumpanya nga may kontrata sa nagakalain-lain nga linya sang serbisyo sa pantalan.

Madulaan sang pangabuhian ang 5,000 mamumugon sa Manila North Harbor kon ipatuman ang pribatisasyon. Plano nga maggamit sang moderno nga teknolohiya ang pribatisado nga dulungkaan nga magabaylo sa mga trabahador. Wala sa plano ang paghatag sa mga mamumugon sang panibag-o nga trabaho. Maapektuhan man sang plano nga pribatisasyonang ginatantya 2,500 empleyado sang PPA sa bilog nga pungsod.

Ang nakatakda nga pribatisasyon sang Manila North Harbor isa lamang sa mga paltik nga proyekto pangkauswagan sang rehimeng US-Arroyo. Nakatum-ok ini sa benepisyo lamang sang mga kapitalista kag wala ini sang pagpasilabot sa kaayuhan sang mga imol. Nagakadapat lamang nga padayon nga pamatukan sang pumuluyo sa palibot sang Manila North Harbor ang mapangguba nga proyekto nga ini kag ipamilit ang ila kina-matarung sa puluy-an kag pangabuhian.

AB

Mga call center sa Pilipinas

Tawag sang pagpanghimulos

Isa sa mga pirme nga ginapabugal sang rehimeng Arroyo ang pagsulod sang mga dumuluong nga negosyo sa pungsod. Pinakadaku sa mga ini subong amo ang *business process outsourcing* ukon BPO kon sa diin kadam-an sa porma sang mga *call center*.

Ang *call center* isa ka upisina nga nagabaton sang mga tawag halin sa mga kostumer sang nagakalain-lain nga dalagku nga kliyente nga kumpanya nga nakabase sa taga nila ka pungsod. Kadam-an sang mga nagatawag nagahingyo sang impormasyon kag bulig halin sa mga ginatawgan nga kumpanya ukon nagapaabot sang mga reklamo sa mga produkto ukon serbisyo sang kumpanya. Kadam-an sang mga kliyente sang mga *call center* dalagku nga bangko, mga kumpanya sa transportasyon, kompyuter kag serbisyo pangpinansya sa luwas ang pungsod. Kadam-an (80%) sang mga *call center* ginapanag-iyahan ukon subsidyaryo sang mga imperyalista nga kumpanya sa US. Isa ka halimbawa sini ang JP Morgan, isa sa mga higante nga kumpanya pangpinansya sa kalibutan.


Sa subong, ginatantya ara sa 225,000 ang mga empleyado sang mga *call center* nga nakalapta sa

mga pangunahon nga syudad sa pungsod. Suno sa mga estadistika sang rehimen, ang kita sang mga *call center* sadtong nagtaliwan nga tuig nakaamot sang 2% sa GDP (Gross Domestic Product ukon kabilugan nga produkto sa sulod sang pungsod).

Isa ang Pilipinas sa may pinakadaku nga numero sang mga *call center*. Pangaduha lamang ini sa India. Ginalauman sang rehimen nga pag-abot sang 2010 magalabot ini sang isa ka milyon ang mangin empleyado sang mga *call center* kag magadaku sang \$12 bilyon ang kabilugang kita sang mga ini.

Sa daku sang ginalauman nga kita sang pungsod halin sa mga *call center*, ginatulod pa subong sang rehimen ang bag-o nga mga kurikulum kag praktikum para sa mga tumuluon nga gusto mangin *call center agent*. Nagtalana pa si Arroyo sang tuman kadaku nga pondo (P350 milyon) para sa Technical Education and Skills Development Authority (TESDA) para lamang sa paghanas sang mga estudyante sa mga *call center*.

Madali makapang-engganyo ang *call center* sa mga pamatan-on nga nakaeskwela babngud relatibo daku ang sweldo diri (P15,000-



P25,000 kada bulan). Madali namang magsulod sa mga ini bangud nagabaton ang mga ini sang mga aplikante bisan wala makatapos sa kolehiyo. Makapasar na basta relatibo nga maayo sa paghambal sang Ingles (para daw Amerikano) kag may relatibo ihibalo sa pagkompyuter.

Bisan pa man, luwas sa temporaryo lamang ang amo sini nga empleyo, tuman kataas ang tantos sang pagpanghimulos diri. Suno sa Kilusang Mayo Uno (KMU), halos tanan nga mga empleyado sa mga *call center* kontraktwal. Kinaandan panglima ka bulan lamang ang mga kontrata nila kag sa abereyds nagalab-ot lamang sa 18-24 bulan ang kalawigon sang mga *call center agent*. Bawal ang magtukod sang unyon sa mga kumpanya nga ini, gani may kabudlayan pa nga ipagkigbato ang seguridad sa empleyo sang mga empleyado diri.

Mataas man sa kinaandan nga sweldo sa pungsod ang ila ginabaton, manubo gihapon ini kumparar sa ginabaton sang mga empleyado nga Amerikano nga pareho man nila ang ginahimo pero makadala pauli sang tatlo ka pilo nga mas daku nga kita kada bulan. Madasig man maubos ang ila mga swekag pangabuhì, madali sila nga naengganyo sa konsumismo kag maluho nga pagpangabuhì.

Ginapabugal sang mga *call center* nga may ara gihapon nga mga benepisyo ang mga empleyado sa ila mga upisina, pareho sang libre nga paggamit sang kagamitan pang-ehersisyo, libre nga kape, libre nga dul-ong-sugat sa istasyon sang tren kag iban pa. Pero may mga pinasahi nga kabudlayan sa kahimtangan sang ila pagtrabaho. Madamu sa ila ang nagabalatian dala sang alang-alang nga oras kag kundisyon sang ila trabaho. Lakip diri ang mabaskog nga pagpalanakit sang ulo bangud

sa pulaw kag pagtulok sa kompyuter, sakit sa baga bangud sa grabeng lamig sang ila mga upisina kag iban pa. May ara nga nagabutang dulot sang berbal nga pag-abuso sang mga kostumer. Permisila nagabatas sang pagpangbastos kag pagmulaw halin sa mga nagatawag nga kostumer. Madamu man ang nangin biktima sang krimen bangud sa dis-oras nga pag-sulod kag pagwa sa trabaho nga kinaandan halin sa managub sang gab-i tubtub kaaganhon.

Sa kamatuoran, ginaabuso sang mga kumpanya ang mga *call center agent*. Ang trabaho sa mga *call center* isa sa mga trabaho nga wala sang buasdamlag. Ang tanan nga ila natun-an kag nahibal-an nga kinaalam sa mga kolehiyo kag unibersidad nakadto lamang sa mekanikal nga pagbaton sa lamang sang mga tawag sang mga kliyente sa mga dumuluong nga kumpanya nga nakabase sa tagas nila ka pungsod.

Ang *call center agent* ginapaserbi nga modelo sang palso nga pag-uswag sang ekonomya. Pero sa kamatuoran, indi makabulig ang mga *call center* sa pag-uswag sang ekonomya. Ginapalala lamang sang mga ini ang imperyalista nga pagpanghimulos sa Pilipinas, pangunahon na paagi sang pagpanghimulos sa mga barato nga kusog sa pagtrabaho. Ginapunggan sini ang pag-uswag sang ekonomya base sa pag-uswag sang mga sandigan nga industriya sang pungsod.

Sa kamatuoran, pareho lamang sang madamuan nga pagluwas sang mga migrante nga mamumugon sa iban nga pungsod para magpangita sang trabaho, ang pagdaku sang empleyo sa mga *call center* nagatabon lamang sa atrasado nga ekonomya, kawad-on sang matuod nga pungsodnon nga industriya kag lapnagon nga disempleyo sa pungsod. AB

Pagpasara sang mga Amerikano sa ospital sa Sulu, ginkundenar

Ginkundenar sang lain-lain nga mga sektor ang pwersahan nga pagpasara kada gab-i sang mga suldado nga Amerikano sa isa ka ospital pangpublikong sa Sulu.

Suno kay Dr. Silak Lakkian, hepe sang Panamao District Hospital sa Sulu, gin-umpisahan sang isa ka Master Sergeant Ronburg sang US Army sadtong Nobyembre 30 ang pagpatuman sang mandu nga isara ang ospital kada mag-abot ang alas-6 sang gab-i. Bisan wala sang ginhatag nga kabangdanan ang mga tropa nga Amerikano, maathag nga ang basehan sang mga tikang nga ini nga kontrolon ang hulag sang mga sibilyan pagtakup sang dulom. Isa ini ka iligal nga tikang nga mapanghalit sa interes sang pumuluyo sa lugar.

Ginpamilit ni Rafael "Ka Paeng" Mariano, tagapangulo sang Kilusang Magbubukid ng Pilipinas (KMP), ang paghimo sang madaluman nga imbestigasyon sang Manubo nga Panalgan kag sang Senado sa natabo nga ini. Siling niya, "Isa ini ka maathag nga paglapas sa Visiting Forces Agreement (VFA) kag sampal sa nawong sang pumuluyo nga Pilipino."

Bunga sang napakadamo nga pagpakamalaut, kag para makalikaw sa madaluman nga imbestigasyon, napilitan ang embahada sang US nga imandu ang pag-atras sang nasambit nga tikang. AB

MILF, plano nga mag-atras sa negosasyon pangkalinungan

GINAPLANO sang mga negosyador sang Moro Islamic Liberation Front (MILF) nga mag-atras na sa pagpakignegosasyon sa Gubyrno sang Republika sang Pilipinas (GRP).

Siling sang MILF, wala gintuman sang GRP ang mga punto nga nakasugtanan nila sa Malaysia sadtong Nobyembre 15.

Suno sa mga propagandista ni Arroyo, nakatalana na nga pirmanhan sang magtimbang nga bahin ang isa ka Memorandum of Agreement nga amo ang makatapos kuno sa mahaba nga paghimakas sang Bangsamoro. Ang mga kasugtanan nga ini ang ginatawag sang MILF nga *consensus points* o punto nga nakasugtan.

Isa sa mga nagapanguna nga isyu ang "*ancestral domain*" ukon ang halambalanon bahin sa ila mga dutang sang katigulangan. Suno kay retiradong Gen. Rodolfo Garcia, hepe sang mga negosyador sang gubyrnong Arroyo, nagkasugot ang magtimbang nga bahin sa mga dulunan sang teritoryo sang Bangsamoro, upod ang mga dulunan sa kadagatan.

Pero sadtong Disyembre 17 binoykot sang MILF ang nakatalana

nga negosasyon sa Kuala Lumpur, Malaysia kag ginbuyagyag ang pagbaliskad sang gubyrnong Arroyo sa nakasugtanan nila sadtong Nobyembre. Pagkatapos sang paghabuyanay sang mga akusasyon kag mga armado nga inaway sang magtimbang nga bahin, nagpahayag si Executive Secretary Gen. Eduardo Ermita nga ang halambalanon nahanungod sa "*ancestral domain*" pinal nga pagadesisyunan sa plebesito nga hawaton kaangot sa *charter change*. Nagakasanto ini sa ginbalay sang GRP nga memorandum nga may pasubali nga ang pagpapatuman sang mga kasugtanan dapat magusunod sa "proseso nga konstitusyunal" sang Republika sang Pilipinas.

Mas malala pa, kasunod nga ginpahayag ni General Garcia nga indi sila makigsugilanon sa MILF kon indi ini magsurender sang ila mga armas. Bilang sabat, nagpandam ang panel sang MILF, sa pamumuno ni Mohagher Iqbal, nga magaatras sila sa negosasyon pangkalinungan kag hulaton na lamang nila ang masunod nga administrasyon nga mabaton nila.

Cuba, nagtanyag sang bulig medikal sa Pilipinas

NAGTANYAG sang bulig medikal ang gubyrno sang Cuba sa Pilipinas para mabuhinan ang padayon nga pagkaubos sang mga tawo nga nakatuon kag may kahanasan medikal bangud sa pagtrabaho sa iban nga pungsod. Nahibaluan ini sa interbyu sang midya kay Ambador Jorge Roy Jimenez sang Cuba sadtong Disyembre 2007. Suno sa embahador, ginahulat pa sang gubyrnong Cuba ang sabat sang gubyrnong Arroyo sa ila tanyag.

"Nagasulobra" ang Cuba sa doktor kag iban pa nga tawuhan medikal, suno sa ila embahador. Kabahin sang internasyunal nga pagpakigrelasyon sang Cuba ang pagtanyag sang bulig medikal sa mga pungsod nga nagakinahanglan. May 17,000 doktor kag dentistang Cuban nga nagaserbisyo sa Venezuela kabaylo sang 100, 000 bariles nga langis kada adlaw para

May isa ka doktor para sa kada 158 ka pumuluyo sa Cuba. Sa US naman may isa ka doktor sa kada 150 ka pumuluyo. Samtang sa Pilipinas, may isa ka doktor sa kada 10,000 asta 26,000 nga Pilipino. Dugang pa nga nagalala ang proporsyon nga ini sa Pilipinas samtang labi nga nagadamo ang mga doktor nga nagakadto sa ibang pungsod.

Sa pihak sang nagakabalaka nga kahimtangan medikal sang pungsod, halos pabungang-bibig lamang ang ginahimo sang subong nga gubyrno sa programa sa ikaayong-lawas sa atubang sang wala sang untat nga pagguwa sa pungsod sang mga doktor, dentista, nars, kag iban pa nga propesyunal sa ikaayong-lawas. Halin 2000 asta 2003, naglab-ot 51,885 nars ang nagguwa sa pungsod.

899 tropa nga Amerikano, napatay sa Iraq sadtong 2007

GIN-AKO sang pinakamataas nga upisyal sang US Armed Forces sadtong Disyembre 31 nga naglab-ot 899 ang mga tropang Amerikano nga napatay sa Iraq sadtong 2007. Ini na ang pinakadaku nga kaswalti nga gin-agum sang mga tropang Amerikano halin sang sakupon sang gubyrnong Bush ang pungsod Iraq sadtong Marso 2003.

Nalampasan sini ang rekord sadtong 2004 kon sa diin 850 Amerikano ang napatay sa gera didto. Naglab-ot na sa 3,902 ka suldadong US ang napatay sa Iraq

sining nakaligad nga lima ka tuig.

Subong nga tuig ginapananaw sang mataas nga upisyal miltar sang US sa Iraq nga labi nga mangin bulnerable ang ila mga pwersa sa atake sang mga gerilyang Iraqi bunga sang amat-amat nga pagbuhin sang tropa sa ila pungsod lakip sa koalisyon nga mananakop pareho sang United Kingdom, ang pangunahon nga alyado sang US sa pagpanalakay sa Iraq. Nagaplano man ang Poland kag Australia nga lubos na nga iatras ang ila mga pwersa.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIX No. 1
Enero 7, 2008
www.philippinerevolution.net


Editorial

Mag-ani sang dugang pa nga tanan-nga-bahin nga mga kadalag-an subong nga tuig

Subong nga 2008, ginalantaw sang Partido ang isa ka tuig sang dalagku nga tanan-nga bahin nga rebolusyonaryong pagsulong. Ang bulawanon nga kadalag-an kag manggaranon nga inagihan nga naangkon sadtong nagligad nga tuig lunsay sa ligal nga paghimakas kag armado nga rebolusyon puhunan para sa labi pa nga pag-abante sang rebolusyong Pilipino.

Sa una nga tuig sang brutal nga kampanya nga Oplan Bantay Laya (OBL) 2, napilitan ang Armed Forces of the Philippines (AFP) nga akuon nga napaslawan sila nga agumon ang mga gintalana nila nga target nga “dugmukon” ang pila ka prenteng gerilya. Antes ini, nabuyagyag sa publiko ang internal nga pagtasar sang AFP bahin sa kapaslawan sang lima ka tuig nga OBL 1 nga amo ang ginsundan sang subong nga OBL 2. Lunsay kabutigan ang ginapabugal sang AFP nga nadugmok nila ang 13 prenteng gerilya sang BHB sadtong 2007 kag madugmok nila ang 17 pa nga prenteng gerilya sa una nga kwarto sang 2008. Mas dalagku pa nga kapaslawan ang atubangon sang AFP sa pagdabdab sang kalayo sang inaway banwa sa bug-os nga pungsod.

Halin Luzon tubtub Mindanao, ginpaslaw sang mga yunit sang BHB ang mga dibisyon, brigada kag batalyon-kadaku nga kampanya sang pagtapna nga ginlunsar sang AFP agud dugmukon ang ginatawag nila nga mga “baluarte” sang armado nga rebolusyonaryong kahublagan. Sa mga prente nga dinumog sang mga pwersa sang AFP, indi lamang nga nakapreserba sang kusog ang mga yunit sang BHB, padayon pa nga nagapadalum ini sang pag-ugat sa masa, nakamentenar sang inisyatiba militar kag napadaug ang madamu nga kontra-atake sa kaaway. Kadungan man, nakapalapad pa kag nakalunsar ang BHB sang madamu nga taktikal nga opensiba sa mga lugar kon sa diin relatibo nga manipis ang latag sang kaaway.



Mga tampok sa isyu nga ini...

Mga kadalag-an sang rebolusyon sa Panay

PAHINA 3

Minahan sa Cotabato, ginsulutan sang BHB

PAHINA 3

Pabrika sa pusod sang kagulanagan

PAHINA 4

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com